



**ՆԱՅԱՍԱԿՆԻ ՆԱՆՐԱՊԵՏՈՒԹՅԱՆ ՍԱՆՄԱՆԱԴՐԱԿԱՆ ԴԱՏԱՐԱՆԻ ԹԻՎ 1 ԴԱՏԱԿԱՆ ԿԱԶՄ
Ո Ր Ո Շ Ո Ւ Մ**

ԱՆՆԱՏԱԿԱՆ ԴԻՄՈՒՄՈՎ ԳՈՐԾԸ ՔՆՆՈՒԹՅԱՆ ԸՆԴՈՒՆԵԼՈՒ ՄԱՍԻՆ

Քաղ. Երևան

18 մարտի 2011թ.

Նայասարանի Նանրապետության սահմանադրական դատարանի
թիվ 1 դատական կազմը՝

Նախագահությամբ՝ Վ. Պողոսյանի
Անդամակցությամբ՝ Վ. Նովհաննիսյանի
Ա. Պետրոսյանի

Ուսումնասիրելով «Ակբա-Կրեդիտ Ագրիկոլ Բանկ», «Արցախբանկ», «Էյչ-Էս-Բի-Սի Բանկ
Նայասարան» եւ «ՎՏԲ-Նայասարան Բանկ» ՓԲԸ-ների անհատական դիմումով գործը
քննության ընդունելու մասին հարցը,

ՊԱՐԶԵՑ.

1. Նամաձայն ՆՏ Սահմանադրության 101-րդ հոդվածի 1-ին մասի 6-րդ կետի՝
«Ակբա-Կրեդիտ Ագրիկոլ Բանկ», «Արցախբանկ», «Էյչ-Էս-Բի-Սի Բանկ Նայասարան» եւ
«ՎՏԲ-Նայասարան Բանկ» ՓԲԸ-ները 02.03.2011թ. դիմել են ՆՏ սահմանադրական
դատարան՝ խնդրելով քննության առնել եւ որոշել ՆՏ քրեական օրենսգրքի 55-րդ
հոդվածի 4-րդ եւ 7-րդ մասերի համապատասխանությունը ՆՏ Սահմանադրության 3-րդ, 6-
րդ, 8-րդ, 18-րդ, 19-րդ, 20-րդ եւ 31-րդ հոդվածների պահանջներին:

2. Անհատական դիմումի նախնական ուսումնասիրության արդյունքներից
պարզվեց, որ անհատական դիմումը՝ ՆՏ քրեական օրենսգրքի 55-րդ հոդվածի 4-րդ

մասով, պետք է ընդունել քննության, քանի որ դիմողները պահպանել են ՆՏ սահմանադրական դատարանի դիմելու՝ «Սահմանադրական դատարանի մասին» ՆՏ օրենքով սահմանված պայմանները, այն է՝

- դիմումում առաջադրված հարցերը ենթակա են սահմանադրական դատարանին,
- դիմողն իրավասու է դիմել սահմանադրական դատարան,
- դիմումում առաջադրված հարցի վերաբերյալ առկա չէ սահմանադրական դատարանի որոշում,
- դիմումի առարկայի վերաբերյալ այլ դիմումի հիման վրա սահմանադրական դատարանում գործի դատաքննություն չի իրականացվում,
- դիմողը սպառել է դատական պաշտպանության բոլոր միջոցները:

Միաժամանակ, դատական կազմն արձանագրում է, որ չնայած այն հանգամանքին, որ դիմողների նկատմամբ իրավական հետեւանքներ առաջացրել է 2009 թվականի հոկտեմբերի 12-ի դատավճիռը, իսկ մնացած դատական ակտերը ուղղված են նշյալ դատավճի մեկնաբանմանը, ՆՏ Սահմանադրության գերակայության պահանջներից է բխում նման դիմումի ընդունումն ու վեճին ըստ էության լուծում փալը:

3. Անհատական դիմումը՝ ՆՏ քրեական օրենսգրքի 55-րդ հոդվածի 7-րդ մասի առումով, ենթակա է մերժման, քանի որ «Սահմանադրական դատարանի մասին» ՆՏ օրենքի 68-րդ հոդվածի 9-րդ մասի համաձայն՝ ՆՏ Սահմանադրության 100-րդ հոդվածի 1-ին կետում նշված որևէ նորմատիվ ակտի սահմանադրականությունը որոշելիս սահմանադրական դատարանն է իրավասու պարզել այդ ակտի վիճարկվող դրույթի հետ համակարգային առումով փոխկապակցված փյալ ակտի այլ դրույթների սահմանադրականությունը: Այսինքն՝ վիճարկվող դրույթի հետ այլ դրույթների համակարգային փոխկապակցվածությունը որոշում է ՆՏ սահմանադրական դատարանը, ոչ թե դիմողները:

Ներուաբար, դատական կազմը, ղեկավարվելով «Սահմանադրական դատարանի մասին» ՆՏ օրենքի 32-րդ հոդվածի 1-ին կետով, գտնում է, որ առկա է գործի քննությունը մերժելու հիմք՝ դիմողի նկատմամբ վիճարկվող դրույթը կիրառված չլինելու պարճառաբանությամբ:

Ելնելով վերոգրյալից եւ ղեկավարվելով «Սահմանադրական դատարանի մասին» ՆՏ օրենքի 31, 32 եւ 69-րդ հոդվածների պահանջներով՝ ՆՏ սահմանադրական դատարանի թիվ 1 դատական կազմը

Ո Ր Ո Շ Ե Ց .

1. «Ակրա-Կրեդիտ Ագրիկոլ Բանկ», «Արցախբանկ», «Էյչ-Էս-Բի-Սի Բանկ Նայաստան» եւ «ՎՏԲ-Նայաստան Բանկ» ՓԲԸ-ների անհատական դիմումով գործի քննության ընդունումը՝ ՆՏ քրեական օրենսգրքի 55-րդ հոդվածի 4-րդ մասի առումով, ընդունել քննության:

2. Սույն գործով դատավարությանը որպես պարասխանող կողմ ներգրավել ՆՏ Ազգային ժողովին:

3. Նույն անհատական դիմումով գործի քննության ընդունումը՝ ՆՏ քրեական օրենսգրքի 55-րդ հոդվածի 7-րդ մասի առումով, մերժել:

Նախագահող

Անդամներ՝



18 մարտի 2011 թվականի
ՍԴԴԿՈ/1-9